

南翔鎮志卷七

里人

張承先著
程攸熙訂

人物

耆德

宋

張玉字國寶橫渠張子四世孫靖康末奉父溫遷蘇州紹興閒
遷南翔里之西郊玉沈重簡默力行孝弟勤於學問孝宗朝
徵之不起

明

楊瓊字月樓家居好行善嚴於教子子錦既成進士詞色不少

南翔鎮志

卷七

假晚年與同里張菊泉輩爲九老會有圖咏傳於時

張清字朝潔德望重鄉里邑大夫王公禮請爲社倉長遵前賢
遺法益加公愼晚年引泉蒔菊以自娛因號菊泉揭於壁曰
菊泉甘淡泊蔗境樂平生又刊刻備省錄以垂戒後人子圮
字承父以病輟舉子業專心醫學療人多奇驗事親交友教
子尤卓卓可傳

陸孟宣字廷器父承璋有厚德孟宣少勤學爲上舍生性純孝
年踰四十見父色不愉必長跪俟霽顏而起視羣從昆季若
同生卹姻黨撫孤寡周貧乏尤加禮賢士大夫以是無尊卑
遐邇不名字之稱其號爲松泉翁云

張明字仲昭玉六世孫勤儉起家律身禮義宏治中賜章服壽九十二

張子愛字原仁讀書教子居常布衣蔬食錢塘致仕歸不通賓客及受封郡伯益閉門避勢長吏惟讀社一見時子已參貴藩矣用是並著廉聲弟子敬字原義白首兄猶呼名應唯惟謹

朱證壽百歲邑侯昆陽李公式廬見之僉事沈公炤祝以詩曰問壽同來訪逸民槎谿此日駐蹄輪眼前誰省三生夢世上欣逢百歲人還帶久知隱德重歸舟應趁月華新詩歌唱和看盈帙要使羣公步後塵

南翔鎮志

卷七

二

鳳翥樓重印

國朝

陸邦里字仰谿氣宇魁梧言笑不苟親疾刲股以療之兄姊食貧破產以周之設塾以教族之子姪篤於敦本規模宏遠如此

黃金鉉字公輔邑諸生工制藝明季受知四明謝邑侯三賓著家訓五十則字字可書紳柯集庵爝推爲獨行君子子天驥字子駿能詩吳中賢士大夫賞識之

陸振宇字君立樂行善事貧人死者施之以槥築道路以便行旅崇禎辛巳捐米賑饑年至六十悉焚篋中貸券曰不應以索逋事遺之後人平生尤具知人鑑崑山陳谿民負重逋以

訟廢家不能償更貸之金其家復振

陳尙仁字壽之父病臄三載每夕搏頽顛天祈身代夢神人以藥飲父果愈崇禎己午歲大饑餓孳相望捐金煮糜食之多所全活潞王聞其賢辟爲長史不久拂衣歸子範字洪九有常字德聞兄弟友愛終身不異居喪孫燦有才譽放情詩酒陸培遠字開倩少孤遵母教能自樹立大振厥緒性慷慨好施不倦歲饑出粟麥散給貧民康熙丙戌及戊子己丑閒水旱偕里中同志設粥廠賑之死者復埋之以構年逾大耄膺封典增孫紹良字寅恭候補道治家嚴正曾孫兆霖字澤蒼候補直隸州牧稟承家法烏程閔大中丞鶚元慕其人以

南翔鎮志

卷七

三

鳳翥樓重印

二女妻其二子後鶚元移節巡撫江蘇兆霖杜門不出有干以私者拒弗納其敦品如此

程時彥字聖功負幹才豁達大度遊北雍爲名公卿賞識家居力行善事鄉里多蒙其德子侯本任真定府同知時彥訓以四語曰廉以持身勤以應事虛以受諍卑以下人侯本服官三十餘年無忝官守遵嚴訓也季子偉字宋三雍正子丑閒疫癘大作虔製丸藥施濟用輒神效孫文植字宮五性至孝父病革適疽發食指不暇治卒致腐落有句云可憐椿萎庭前日損卻全歸全受身熙謹增文植夫婦同時寢疾子永潤字越千偕其妻馬累月侍疾不解衣帶連遭大故哀號泣血時

方壯歲鬚髮黃落見者感傷永潤善詩著有培香吟稿

朱嘉祿字右申從父文彬由徽僑寓南翔嘉祿遂占籍甫成童

入嘉定邑庠凡里中廟宇橋梁育嬰賑濟咸領袖爲之由附

貢生候選教諭未仕卒

熙增

張來偉字孺子凝元子性謙謹自號謙謙居士與弟來敏力行

善事惟日不足著書數種勸世來敏字錫占慈祥愷悌偕同

志創建留嬰堂又結戒淫會人稱二難

熙增

同時程暝字殿明

暝字日照亦兄弟樂善

張國賢字茂公誠心濟世見善必爲雍正十年大風潮傷民無

數木棉稻苗歉收國賢捐米煮粥廣賑羣饑明年春癘疫大

南翔鎮志

卷七

四

鳳翥樓重印

行製丹藥以施之每歲寒見身無衣絮者以棉胎衣之貧無

殮者施槽瘞之凡遇歲除資助窘乏不以姓名告子俊儒字

有珍好善樂施無忝乃父

熙增

姚鼎聞字以象休寧人由平湖轉徙槎里識見宏遠常置朱子

通鑑綱目於座右焚香誦讀熟知古今興廢得失友愛季弟

讓肥居瘠弟病禱於神願減己算以益里中留嬰堂首捐重

貲倡率孫廷模性豁達好善嬰堂改留爲育賴其力以成廷

槐廷枝並諸生擅文譽

熙增

曾孫文勳字元賞董育嬰賑濟一

如其伯廷模

李時白字若亭業醫廣積陰德嘗曰醫以濟人非市道也年八

十傷足他醫以年高不敢治夜忽異香滿室尋愈欠伸自如
越二年卒臨終整衣冠而坐謂子觀國曰爾知孝乎愛身卽
是觀國讀書行善操履端方少俊多師之孫廷模銳意舉業
數奇不遇而終

徐士華字漢文樂善好施乾隆二十三年與里人管文健同舉
鄉飲不就壽八十四

熙增

李晉永字旭培好學通經旁攻醫術祁寒暑雨有請必赴遇極
貧者反給藥資撫諸弟姪待族黨俱有恩與人交誠信冲和
勸善規過如不及同里某生私其婢有妊其妻極悍妒晉永
診知之設法令婢出旋產一男後某家失火六口俱燼賴此
得存宗祀年八十舉鄉飲辭不赴自尅死期後果驗

南翔鎮志

卷七

五

鳳翥樓重印

熙增

程虔五字隆若以施財好善大吏聞諸朝議敍縣丞修橋梁
施棺榘董嬰堂設義塾義塚歲歉則捐助煮賑靡不踴躍大
人先生競以詩歌贈梓成名彝好集孫廷浩字鉅揚克繩祖
武能詩善書鐵筆尤工

朱瓊玉字旦彩貢生父病藥必親嘗深夜焚香祝天祈以身代
孝事繼母趙孺慕至老不衰七十居喪尙擗踊成禮事兄撫
弟曲盡友愛性愷惻好施與見人無貴賤長幼輒抑然自下
舉應引年大典臨卒遺命不作佛事不惑於浮屠因果之

說有儒者風以子掄英 贈文林郎

許浩字瀛川壯歲遨遊齊魯所至咸願結傾蓋交友愛胞弟教之習計然術後弟寄籍祝其家日起皆浩之澤也晚年與其受業師葉運使昱同預鄉飲人爭羨之浩卒後浩妻及見五世一堂爲 熙朝之瑞

張志學字藻庭先世居崑山有顯仕者志學不苟取不徇名常於道旁拾一橐金坐以俟自晨至午一人倉皇來問之符合遂還其金其人叩問姓名里居不答而歸晚年舉鄉飲介賓孫枝字應珊好吟咏寫生亦工妙

江寬裕字容與隱居自樂不干外事令其子萬泉從名師卒舉南翔鎮志 卷七 六 鳳翥樓重印於鄉其族祖自超字天表族叔誠字璐元俱以詩禮世其家誠工小楷有二王筆意

汪士鍾字巽孚篤於內行衣冠舉止有古人風子瀛字東環工文久困童子試後入太學課從子顯第膺鄉薦

周玉麟字上珍至性過人母孟氏寢疾虔齋籲天誓減算以益壽季父遇回祿災窘生計迎養於家叔卒撫其孤成立爲人寬厚有度育嬰賑飢諸善事皆經紀弗懈邑侯於公一芳聘飲於鄉固辭不赴晚年孫曾繞膝里中子姓之盛首推汝南氏兄弟友愛內外無閒言皆玉麟家範也以子式濂式濤式源疊受 封贈

程偉字不奇金山衛學生占籍南翔幼從沈文愨公德潛游文
心古奧生平言笑不苟有古人風與王榛麓紳交紳於諸老
友中獨欽重之子孫俱有聲庠序弟光海字王谷諸生性孝
友以子本仁受 封舉鄉飲介賓

胡承煜字耀庭性沉靜寡言笑遇公事則爭先爲之戚黨閒有
貧不能舉火者留養於家死則殯焉從弟承祖字允彭事親
孝親串鄰里有釁和解之見道旁瓦礫必拾而棄之恐傷人
足其居心仁厚如此

胡承祚字晉畿事後母如己母弟五人有事必稟命承祚承祚
一視之不愧家督歲時祀事必垂淚孺慕至老不衰公事踴

南翔鎮志

卷七

七

鳳翥樓重印

躍捐輸居恆足不出戶外閭里稱長者次弟承祐有厚德三
十年兄弟無閒言

朱方煜字叔耀附貢生幼受業於徐明經樹紳爲文力追正始
困童子場者幾三十年年四十餘方博一衿遂淡於進取足
跡不至白下女年未三十稱未亡人有子遺腹生方煜善培
之俾不絕其宗祧伯兄季弟蚤歿撫姪皆成立

諸不顯字文在事親以孝聞品誼醇謹與人交一待以誠巋然
長德不愧老成典型

李澗字雲莊性慷爽尙氣誼朋友有過輒面折之嗜書不能多
購時從書賈借鈔歷寒暑不倦哀然滿家皆手錄本也

陸猶龍字乘上居母喪哀毀致疾嘗贖回祖墓田邑令巴陵李公給碑獎勵

金良營字旦成鄉飲賓弟賚成蚤卒時已析產念弟婦青年苦守遺孤子立加意撫恤姪成立爲之婚娶同爨三十餘年內外無閒言從兄良模字元助性恬淡喜吟咏壽至九十

李天球字藻九貢生樂善好施介邑侯玉濤給額獎之弟琪字東耀目雙瞽好聽人說史鑑判斷得失無或爽者公事不稍諉與天球有二難之目琪以子大復大經膺 敕贈

金濟燮字用梅國子生屢試鄉闈兼精堪輿術爲人強忍不屈同學咸稱其毅云

南翔鎮志

卷七

八

鳳翥樓重印

甘棠字作霖幼嗣世父時霽後時霽早卒嗣母矢柏舟節撫棠入邑庠後貢入成均爲嗣母陳情請 旌董育嬰事及歲祲煮賑全活無算

張成績字紀常國賢曾孫候選州同邑里有公事輒捐貲襄助慎重宗祠乞王光祿鳴盛爲之記延師課子皆名下士執禮甚恭金明經曰追卒於館成績厚斂之子孫多弱冠游庠三子式慎中乾隆己酉順天榜 案吾鄉風俗淳美多耆年有德之士設育嬰賑饑諸事無此數君子者爲之董率將道棄之嬰孩歲祲之餓孳其誰爲之引手救哉是編補傳較多

藝術

明

姚焯字文光精醫工詩上海陸文裕深贈之詩曰欲訪高人宅

先為倒屣迎何如谿上路空復雪中情風雅還千載雲霄近

五城東流與歸棹曲曲大江清為名公契重如此

王瑞珍善弈游維揚五年成國手又有李公霖業丹青兼好弈

俱以侘僚老

國朝

戴子來字文庶貢生工山水為八名家之一工於設色情態如

生收藏家爭購之

滕字見垣資敏熟習經子棄業學醫師同里吳伯時伯時

南翔鎮志

卷七

九

鳳翥樓重印

師雲閒李中梓其術蓋有所自著醫學三要張徵君鴻馨作

序醫家奉為枕中之秘

李謙字自牧流芳從孫繪事步武前人更出以工細子恕字孝

一愚字孝哲俱紹其學

〔附明韓洽題深慈上人畫冊詩〕上人示我畫十幅煙水林巒紛在目誰拈彩筆為此圖乃是練川李自牧上人之兄黃懋昭頃者與我論素交自言今歲得一友李君意氣真吾曹信知李君固佳士豈直丹青稱畫史日來旅寓向禪房

不惜揮毫呈妙伎師言冊中第九圖短垣修竹對浮屠彷彿慧隆庵內景只多山色近城隅慧隆佳景我曾識開門恨少青山色故教化筆役神工移得峻嶒置庵側

李延是字期叔精醫學雲閒李中梓弟子與程公來顧則思交

善三人皆明醫者所著脈訣彙辨盛行於世

王琪字曰嘉李謙之甥太學生畫山水有舅氏風其讀書處饒

花竹之趣歸恆軒莊題曰會心不遠

張羲字克上昭遠孫力學不遇精小兒醫諸孝廉堂患痘瀕死
一劑起之子學會原名獻字魯傳院試獲雋以異籍被黜習
堪輿家術多奇驗著地理書行世

范日雯字漢文書學董元宰能畫兼好弈徐銘字硯存善鼓琴
有富人延之謝不往曰此非供豪家玩賞也

江刻贈琴師徐硯存檀園北去石橋西徐儒幽居傍大隄竹葉陰中茅屋靜豈花棚
下華門低堆胸塊磊消琴軫滿眼滄桑付杖藜一曲鍾期自千載海山煙水正淒淒

鍾煌字芾斯父植字子立邑諸生工繪事煌承家學游王司農
原祁之門代司農捉刀能亂其真蚤卒筆墨流傳甚少

嚴煜字敬安幼失怙年逾弱冠始刻苦向學中歲肆力於金石
六書工摹印刀法宗何主臣頗蒼古又從周芝岩學刻竹器

南翔鎮志

卷七

十

鳳翥樓重印

盡得其秘並繪山水花鳥俱澹遠生動增

張榮字采南作山水人物俱佳寫意尤生動超軼嘗往來南匯

黃秋圃知彰煙霞閣中歿後知彰作詩哀之有寫生妙手張

采南潑墨伸紙萬象酣人如其畫有奇趣亦多怪癖人難堪

之句增

王者佐字師尹太學生學畫於虞山吳墨井歷入其堂奧同時
有徐敏學業裝潢與子兆鼎俱工山水世無知者

陸廷炯字宸照善畫蘭與周顥墨竹並重有陸蘭周竹之稱又
有周敕典字章五亦以畫竹擅名

張煒字赤城精繪事師事錫山華封花鳥生態躍躍紙上兼善

八分楷書其篆刻尤入古

沈挺字景松應宿曾孫從海虞王石谷輦游寢食於畫者二年盡得宋元人祕妙尤謹內行居功總服無不盡禮

陸海字滄洲畫人物花鳥私淑惲壽平得其祕妙游藝京師受知於慎郡王書嘉蔭堂額贈之

王朝相字承槐精瘍科張徵君鴻磐以詩贈之子孫世紹其業曾孫原泉字星發尤存心濟世爲時所重

方文偉字燮字世習醫於仲景丹谿節庵諸家言別有神悟治傷寒等症一劑卽愈人稱方一帖子時中孫源熙增曾孫壺俱

紹其業

按文偉著傷寒經論未刊

南翔鎮志

卷七

十一

鳳翥樓重印

徐廷連字彙征業醫工詩家鄰梅原王西園灝沈賁園白引爲忘年交晨夕唱和窮老無子婿王賓藏其稿屬同里張承先選刻之賓字嘉客傳外父業操行醇謹里中稱爲長者張承先誌其墓

吳之璠字魯珍精竹刻繼朱稚征後另刻精細一種得神得景識者謂能變化前人爭相寶重貢入內府高宗純皇帝御製書集有吳之璠竹刻詩

杜世柏字參雲專工篆刻取法漢唐印章歷落入古游藝四方好古家爭鑑賞之從弟世綬字紫佩諸生工詩精繪事惜年

不永

熙案世柏著書有浣比廬印繩陰鶻文印譜愛日樓印語等跋王曾翼序

朱梅字廷木工詩精於醫童廷銓字以文為句讀師循循善誘兼習歧黃業不自炫傳大業字繼成初習瘍醫後通大方脈理三人醫術相上下延之診視者無不驗

李士溥字天如恬淡沖和繪山水得宋元人筆意舉鄉飲未赴卒

流寓

宋

吳惟信字仲孚吳興人徙居白鶴邨以詩名郡人糜先生嘗誦其傷春絕句云白髮傷春又一年閒將心事卜金錢梨花落

南翔鎮志 卷七

十二

鳳翥樓重印

盡東風軟商略平生到杜鵑亟下拜日子真謫仙人也其見重於人如此

案邑西境亦有白鶴邨在吳淞江南或疑惟信所寓在彼但其自序詩有槎迷河漢千年恨之句則列之寓槎為是

明

程嘉燧字孟陽歙人僑居邑城李長蘅流芳引為詩文交來止檀園晨夕倡和其詩主於陶冶性情耗磨塊壘大率以唐人為宗短章長句悉合法度晚年歸故鄉詩家援中州集例諡之曰松圓詩老

宋珏字比玉莆田人擅長詩畫書工八分初見程嘉燧荔枝酒歌行千里訪求遂來邑中與嘉燧暨李流芳張鴻磐為莫逆

交檀園杞園皆其盤桓觴詠處也

任良祐字磐石歙人僑居槎里性嗜義萬曆中邑先達倡議折漕良佑寓客無寸土慨然首捐千金爲諸公入都資斧又捐二千金重新白鶴寺以餘力建玉皇閣藏經樓罄其貲勿恤梵宮肖像祀之

江應選字德宣新安人少嘗授經有遠志坐外家累破耗其資見父母愀然不樂遂去而爲賈遷居南翔里足跡歷薊門遼左性嗜書所至必以數卷自隨以貿易起家意度豁如好行

其德

熙考學古
緒言增入

〔婁歐新安江德宣傳贊〕予觀士之務爲名者未有不役役于利也彼直以名爲餌烏睹所謂士哉夫商逐末工執執事人咸輕之其中有士焉係乎其志行也世衰道微吾見士而賈矣安在賈不爲士乎業之分途何足論人哉何足論人哉

南翔鎮志

卷七

十三

鳳翥樓重印

歸昌世字文休崑山人有光孫天才駿發與李流芳王志堅稱三才子中年放意爲詩五言宗韋柳嘗摘其二章書武陵壁閒觀者不知其爲今人作也餘事爲墨竹亦神妙與夏太常並重授經來槎晚年憂傷哭泣而卒子莊

歸莊字元功詩文豪邁善大書畫竹酷肖其父里中多故舊恆流連浹歲有富商以厚幣丐書堂額呵斥之

國朝

莫秉清字紫仙上海人僑居里之抱龍涇幅巾道服絕意進取工詩文詞書法兼善鐵筆當事欲見之辭勿許門人吳徵棐以孤梅猗蘭比之著有采隱艸行世同邑張侃字春山以醫

來槎里寓黃花場好學博聞工填詞著浮槎疊韻影園近詞道山先生不知何許人也亦不知其姓氏嘗游槎上爲人崇尚氣節工詩善畫並有奇致爲李僧筏杭之器重遂主其家與杭之西席陳文吉善蒙其姓自名舒字元舒行蹤無定所得其詩畫者片紙隻字珍若拱璧文吉婁塘人明孝廉炎曾孫館杭之家杭之遇難文吉與俱死

熙考唐元良易箕稿增入舒有道山先生遺集易箕爲序

鄭浴日字秩南崑山人年十三應縣試立成七藝邑令過賞拔之會父喪過爲捐俸辦喪具客槎南寢食經史務求根柢之學食餼當貢以母病不赴試母亡哭踊成疾卒

朱瀚字霍臨上海諸生幼嗜古屏棄俗學詩古文汪洋浩瀚動

南翔鎮志

卷七

十四

鳳翥樓重印

筆千言一題或成數百首而法律仍極精細兼鳳洲震川兩家能事左史莊騷及唐宋諸大家俱有評註晚從方外夫則游悟澈楞嚴妙旨作中庸懸談周易玩詞授徒東林僧舍二十餘年門下士多以古學知名張徵君雲章尤著云

周士彬字介文雲閒人黃太史之雋稱爲有道之士嘗客槎上與朱南詢柯集庵以詩相贈答有秋步槎谿詩疊至十餘韻皆清麗可誦

熙增

唐瑀字仙佩常熟人中年家槎上善詩和蘇臺楊柳枝詞爲汪太史琬激賞招致堯峯應維揚趙樞使聘平山堂大會詞人以瑀作壓卷工八分篆隸有晉唐人筆意好古家珍爲拱璧

著有邱隅破甑竹西諸艸

喬之柱字東來上海人爲張徵君鴻磐贅壻幼失聰而資穎甚胸富卷軸詩文叉手而就補諸生罪誤不與試無子皈依竺乾以老

余正晟字象成徽州人奉父來槎好學敦行尤耽風雅前哲樂與之交名在槎谿倡和中晚年與釋宏演結契貫通內典子之璋字宸玉亦能詩

李嘉言字聖達青浦人僑居槎里性至孝母汪失明嘉言日夜舐其目致清朗如故從天津買妾殷氏已三年妾前夫子三千里來省母子相見哀動旁人嘉言憐之卽遣妾從其子北

南翔鎮志

卷七

十五

鳳翥樓重印

歸厚贈之里民倪國柱叩 闕求減折漕加派嘉言與柱不相識義其舉傾囊助之以太學生壽終子煥燧見文學傳

張宸字定三崑山人始遷吳門繼遷槎上爲人古愿以詩古文自期許其友汪之蛟字長魚以能詩隱諸翟邨頻來槎上與諸詩人唱和有柳舫居稿

葛匡世字征侯崑山人贅里中平原氏制藝宗金陳詩古文步趨唐宋大家爲江左名下士者三十年由進士任零陵知縣有惠政

張立綱字敦五崑山人明魯唯從子至性過人撫恤孀嫂寡妹不遺餘力以貴介子弟溷跡邨塾同學故人有貴者屢招之

卒不往課徒之暇日事吟詠以諸生老於嚶榭客館子岐字維新入嘉庠有學行

孫大登字于魯崑山人來游榭上少以詩賦受知於學使者張公廷樞尤長於漢隸與鄭谷口顧云美齊名

沈元祿字雲子上海縣籍少卽厭棄俗學肆力於古初試童子以武場得雋繼入文庠一試棘闈慨然曰此不足溷我也遂棄帖括杜門著述病石門講義多誤作四書糾謬詩文以昌黎爲宗名其集曰大怪年八十餘卒子健行歲貢生工時藝施燧字舊石江灣里人兵部職方司鳳儀孫少爲諸生試輒冠其曹偶中副車後游粵東歸不得志卒嘗授經榭里游其門

南翔鎮志

卷七

十六

鳳翥樓重印

者多得雋詩詞書法俱不苟下筆有筠坡詩文集

李錫秦字瞻仲寶山人遷榭里父實字玉如潛心理學爲清獻陸公入室弟子著學庸順文行世學者稱胡莊先生錫秦以

武英殿纂修中雍正甲辰順天鄉試授廣西羅城知縣平

劇盜潘志亮等陞全州知州旋陞直隸鬱林州鬱林多曠土錫秦下令勸墾躬厯田閒督率三年墾至三萬六千餘畝地故無谿澗至是石穴中忽湧清泉丈餘甘冽無底遠近資灌漑爲建瑞泉祠事 聞 賜御書惠潤田功額內艱服除補太平府知府時寧明州土豪作亂提鎮俱議勦兵將發矣錫秦力請任安輯止誅首惡寬宥脅從五十寨土民賴以全活

遷右江道時白土邱索兩寨土蠻叛錫秦奉委進勦七日掃平之又委監紀義寧軍匝月擒獲逆苗吳金銀等各逆黨股栗乞降於是粵西諸逆寨以次第蕩平陞廣西臬使轉藩使擢都察院右副都御史巡撫廣西卒 賜祭葬

葉達字耘渠候選州同知與其弟魏堂錦從吳縣洞庭東山僑居槎上錦得李緇仲宜之猗園達卽於宅後雜蒔花木布置泉石時延詩人觴詠其中里中有公事達兄弟捐貲飲助未嘗以寄籍諉當事皆給額獎之熙增

陳古字石雲華亭七寶里人精於醫著藥性便蒙兼工詩畫爲人慷慨豁達游藝槎上槎人親愛之遂占籍焉子瑄字西玉

南翔鎮志 卷七 十七 鳳翥樓重印

紹其業熙增孫良元字王初太學生亦承家學曾孫大進字希文邑庠生試輒優等以父耄年病日兼習醫名噪遠邇

陶墀字南望以字行更字遜亭諸翟邨人來槎上下榻古猗園書法規摩二王參之顏柳嘗游西江兩浙探山水之勝落筆益奇縱自成一家晚年抱病猶揮灑不少休一日晨起書額

投筆而逝有艸韻彙編莊中丞有恭序以行世熙案今艸韻彙編采入四庫全書

羅採字聖可歛人由維陽遷槎上甫定居卽置漏澤園瘞無主屍骨雍正十一年歲祲同人奉文公捐煮賑採獨力設廠廣福禪院賑至三月餘而止踰坊各匠逋金無償當衆悉焚其券感泣者載道採雖手散萬金而無驕色窮交寒士尤折節

下之議敍州佐尋卒

仇垸字遐昌歸安人嘗寓我里文昌閣中性孤冷攻舉子業一不售卽棄去肆力於詩五言有王孟風味寄情篆籀刀法蒼勁中饒文秀刻晶玉章絕不假藥術自能游刃有餘著有霞邨印譜沈宗伯德潛爲之序熙增

范世勳字西屏海寧人爲里中程氏贅壻精於弈海內推大國手遠近爭相延致以落拓不羈卒於金陵客館有桃花泉棋譜行世

汪世善字楚珍杭州人僑居里中與葉運使昱最契厚里中公事昱與世善倡率爲之里人咸服其公正熙增

南翔鎮志

卷七

十八

鳳翥樓重印

陸永洪字右儀平湖人其父旭著有地理啟蒙諸書行世永洪承家學占籍南翔有卜葬者恆延之擇地

熙案元本閒有載及同邑人者今從節

南翔鎮志卷七終

門人查

銓校字

重印

灼美陳
雋如胡承校